

169

23. des.

Til reksturskostnaðar telst greiðsla vinnulauna, reksturs-, viðhalds- og geymslukostnaður véla, kostnaður við flutning véla og áhaldsla milli vinnustaða, tyrningargjald, vextir og afborgun lána og stjórnarkostnaður. Heimilt er stjórninni að leggja á framkvæmdakostnað áhættuþóknun, er nemi allt að 5% af heildarkostnaði ár hvert. Skal fé því varið til að mæta óhöppum er fyrir kunna að koma, og ekki fást greidd úr fyrningarsjóði.

8. gr.

Heimilt er stjórninni að láta vinna að öðrum verkefnum, en að framan greinir, ef hagkvæmt þykir, enda brjóti það ekki í bága við hagsmunum samþykktaraðila.

9. gr.

Búnaðarfélagið myndar stofnsjóð til vélakaupa, að upphæð kr. 150000.00, er sé andvirði skurðgröfu og beltisdráttarvélar TD 6.

Tekjur stofnsjóðs eru:

- Helmingur stofnfjárins er framlag framkvæmdasjóðs ríkisins, samkvæmt ákveðnu 9. gr. laga um jarðræktar- og húsagerðarsamþykktir í sveitum. Rennur framlagið í stofnsjóð þegar það greiðist sem styrkur til vélakaupa félagsins.
- Einn fjórði hluti framlag Búnaðarfélags Öngulsstaðahrepps, og er það óafturkræft.
- Einn fjórði stofnfjárlán, er tryggt sé með ábyrgð búnaðarfélags hreppsins, og endurgreiðist það innan 5 ára.

10. gr.

Heimilt er stjórninni að taka reksturslán gegn tryggingu í þeim jarðræktarstyrk, er á umbæturnar verður greiddur úr ríkissjóði, samkvæmt ákvæðum II. og V. kafla jarðræktarlaga.

11. gr.

Reikningsár félagsins er almanaksárið. Skulu reikningar endurskoðaðir af endurskoðendum Búnaðarfélags Öngulsstaðahrepps og lagðir fram á aðalfundi þess ár hvert. Þar skal og lögð fram skýrsla um starfsemina á síðastliðnu ári og rædd framtíðarverkefni.

12. gr.

Breytingartillögur við samþykkt þessa skulu lagðar fram á aðalfundi. Samþykki löglegur aðalfundur þær með minnst  $\frac{3}{5}$  atkvæðum atkvæðisbærra fundarmanna, skulu þær sendar Búnaðarfélagi Íslands, er leitar staðfestingar landbúnaðarráðherra á þeim.

13. gr.

Samþykktir þessar má því aðeins nema úr gildi, að  $\frac{3}{5}$  fundarmanna á lögmennum aðalfundi samþykki það, enda komi samþykki landbúnaðarráðherra til. Verði samþykktirnar felldar úr gildi, verður stofnsjóður og fyrningarsjóður áfram eign Búnaðarfélags Öngulsstaðahrepps, og skal eignunum varið til almennra framfaramála í hreppnum.

14. gr.

Með brot á samþykkt þessari skal farið sem almenn lögglumál.

15. gr.

Samþykkt þessi gengur í gildi, er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarð- 169  
ræktar- og húsagerðarsamþykktir í sveitum, og reglugerð um jarðræktarsamþykktir 23. des.  
frá 20. febrúar 1946, staðfestist hér með til að öðlast gildi þegar í stað og birtist til  
eftirbreytni öllum þeim, er hlut eiga að máli.

*Landbúnaðarráðuneytið, 23. desember 1946.*

F. h. r.

**Vigfús Einarsson.**

*Árni G. Eylands.*

## AUGLÝSING

170

27. des.

um meðalmeðgjöf af hálfu barnsfeðra með óskilgetnum börnum fyrir tímabilið  
frá 1. janúar 1947 til 1. marz 1947.

Á tímabili þessu skal meðalmeðgjöf vera jafnhá barnalífeyri eins og hann er  
ákveðinn í 26. gr. laga nr. 50 1946, um almannatryggingar, en það er sem hér segir:

1. Á 1. verðlagssvæði, þ. e. í kaupstöðum og kauptúnum með 2000 íbúum eða fleiri,  
kr. 800.00 á ári til barna á aldrinum frá 1—16 ára.
2. Á 2. verðlagssvæði, þ. e. í öllum sveitarfélögum öðrum en talin eru undir 1. lið,  
kr. 600.00 á ári til barna á aldrinum 1—16 ára.

Á meðgjöf þessa greiðist verðlagsuppbót samkvæmt vísitölu eins og hún verður  
hvern mánuð á ofanefndu tímabili, og greiðist hún eftir á mánaðarlega.

Jafnframt tilkynnist, að eftir 1. janúar 1947 geta mæður óskilgetinna barna eða  
aðrir framfærslumenn þeirra, er yfirvaldsúrskurð hafa í höndum um meðalmeðgjöf  
með slíkum börnum, snúið sér til Tryggingastofnunar ríkisins eða umboðsmanna  
hennar og fengið þar greiddan þann barnalífeyri, er þeim ber samkvæmt skilríkjum  
sínunum. Hið sama gildir um fráskildar konur, er fengið hafa meðlagsúrskurði með  
börnum sínum.

*Félagsmálaráðuneytið, 27. desember 1946.*

**Finnur Jónsson.**

*Jónas Guðmundsson.*

## SAMÞYKKT

171

27. des.

um lokunartíma rakarastofa í Reykjavík.

1. gr.

Rakarastofum í Reykjavík skal loka eftir því, sem ákveðið er í 2., 3. og 4. grein  
samþykktar þessarar.

2. gr.

Alla virka daga ársins skal rakarastofum lokað eigi síðan en kl. 6 síðdegis og  
þær ekki opnaðar aftur fyrr en kl. 9 árdegis næsta virkan dag.

Þó skulu vera undantekningar frá þessu þær, er nú greinir: Aðfangadag jóla  
og gamlárskvöld skal loka stofunum eigi síðan en kl. 3 síðdegis.